

FRIDERICI I. IMP. AUG. PARENTES ET FILII.

Fridericus de Buren.

Hildegardis

<i>Otto</i>	<i>Fridericus I. de Buren, filius de Stauffen,</i> Episcopus Argentiniensis.	<i>Ludowicus, Chunradus, Adelheidis.</i> comes Palatinus.
<i>Fridericus II.</i>	<i>Monochilus, unus ex s. Cocles, Sueviae Dux, pater succedens. Uxores : 1) Juditha F. Henrici IV. et Wulfidis Billung, Saxonae. 2) Agnes F. Friderici Comitis de Saarbruck.</i>	<i>Chunradus Dux Francioniae Heripolensis, cum regni Italæ invasor, demum Germaniaæ Rex hujus nonnus tenet. Uxor: Gertrudis F. Berengarii Comitis de Sulzbach.</i>
<i>Fridericus III.</i>	<i>Sueviae Dux; post Germanor. Imperator hujus nominis Primus. Uxores : 1) Adelheidis s. Adita, fil. Dieboldi de Vohburg, repudiata : nupsit Dietrichi de Ra- vensburg Ministeriali. 2) Beatrix F. unica et haeres Rayaldi III. Bur- gundie Comitis, et Agathe Lotharin- gice</i>	<i>Juditha s. Bertha. Uxor : Matthei Ducis Lo- tharingiae. Chunradus comes Palatinus Rheni. Uxor : Irmengardis F. Bertholdi Comitis Ferrei Henneberg, et Landgravius Thuring. Saxonice.</i>
<i>Fridericus</i>	<i>Otto</i>	<i>Chunradus comes Palatinus Rheni, nupsia Henrico Ieniori Duci Saxoniae, filio, Comiti Palatino Rheni.</i>
<i>Fridericus</i>	<i>Fridericus IV.</i>	<i>Philipus D. Toscæ et t. Ma- thildine Frider. IV. Defuncto F. Dux, tandem Otruncatus in oppido Durlach.</i>

* Filiae duæ ante nuptias mortuae, Soldano Iconensi et Richardo C. Pietav. despons.

Fridericus in infancia mortuus.

IN LIGURINUM DISSERTATIO II.

De ortu, genere et rebus gestis Friderici I Aug., præsertim in primo regni decennio.

Famam extendere factis. (VIRGIL.)

§ I. Antiqua Stauffensium sedes et prima gentis incrementa.

Inter familias Germanorum illustres, quæ virtuti fortuna comite diutino regni fastidio potiebantur, præcipuum longe sibi dignationem conciliavit Stauffensium inclita progenies. Etenim a primis

A veluti famæ auspiciis adusque postrema nepotum fata pro Cæsarum et imperii juribus illa fortiter stetit, et incorrupto gestorum tenore servans regni majestatem, glorioissima morte occubuit. Antiquorem autem Stauffensium sedem in Sueviae partibus orientalibus, oppido pridem imperiali libero

Gemundæ vicinis, et nominatum in loco Buren (79) haud inepte quæsiveris. Manent adhuc in ea re-gione priscæ memoriae vestigia, nimiram vicus no-mine Wæschchenbeueren, et in conterminis pratorum tractus, vocabulo Buren hodieum insignis. Castrum Hohenstauffen Fridericus I, adulto sere sæculo xi contiguo monti vel inædificavit, vel certe restituit, atque solemni tunc temporis more gentis cognomen inde transsumpsit. Erat iste Fridericus comes ab Henrici IV imperatoris partibus contra Rudolphum anti-cæsarem; vir probus et bello strenuus, animo constans et fide. Itaque Cæsari gratissimus et rerum suarum auctor et vindex in hisce finibus constitu-tus, opimum Sueviæ ducatum, Rudolpho rebellii ademptum, regisque unicam Agnetem filiam uxorem promeruit.

§ II. Fridericus II, cognomine Cocles seu Monoculus, imperii candidatus; ejus gesta ad Rhenum.

Ilico adiunctæ Stauffensium opes, indulgente quo-que nepotum studiis Henrico V avunculo. Quo fa-cium ut, mortuo tandem imperatore, Fridericus II, Friderici I filius et Suevi ducatus hæres (80) in spem imperii consurgeret, voli compos exstiturus, ni Moguntinum archiepiscopum adversarium ha-buisset. Is enim Stauffensium acerrimus hostis, Friderici consilia callide præveniens, pro Lothario Saxona procerum suffragia festinavit (81). Scilicet idem ille Moguntinus, Henrici V, Cæsaris olim can-cellarius, ejusque præcipuo favore Germaniæ pri-mas evectus, beneficiorum usque immemor prodi-torem agebat. Quapropter custodiæ mancipatus, ei brevi post tempore civium armis restitutus, nihil non in imperatorem absentem infesto animo moliri, insima summis ubique miscere. Tunc vero Sueviæ dux ille Fridericus cum exercitu Rhenum trajiciens, valida quoscunque motu auctoritate compescuit (82). Mox ipsam turbarum officinam, Moguntiam bello adortus, obsidione cingebat, militibus utcunque suis a vastatione prohibitis. Deinde Treugas expetenti versutissimo præsuli liberaliter concessit, ipse exercitu dimisso cum paucis ad propria reversurus. Quem statim episcopus cum numerosa militum manu, contra sacramenti fidem, insecurus, undique circumventum perdelere parabat. At ille subito dolo

A nequidquam turbatus et periculis major, collecto paucorum comitum manipulo in Moguntinos irruens, ingenti edita strage aggressores profligavit, fugientibus adusque portas cædendo insistens, ut paucis-simi tantum ultoremensem evaderent. Summum tunc ipsi præsuli discrimen imminebat, qui vix intra mœnia receptus, civium diras ac penæ et arma in se convertit, funesti facinoris auctorem episco-pum, orbatasque parentum domos immani fremitu exsecrantium (83). Hinc inimicissima viri in Sue-vum studia, et pro Lothario subreptus principi favor. Quid enim acerbius offensa ignavia? quid vehementius odio sacerdotis?

§ III. Stauffensium fratum cum novo rege Lothario similitates.

Fridericus ereptum sibi regnum indignissime fe-rens, vix tandem tertia post electum die, multorum precibus exoratus, in curia regem salutavit; spre-tis omnino CC marcis in beneficium oblatis (84). Eoque ambigua videri ducis voluntas, prouti raro principatus novi suspicionibus carent. Mox factum in curia Ratisbonæ decretum: *Feuda indignis ablata non regis patrimonio, sed regni bonis vindicanda* (85). Quod quidem aperte directum in Stauffensium opes Lotharius avide nimis exsequebatur, ad regnum plurima revocans, quæ Suevi fratres retinebant. Fridericus hostis judicatur in proxima curia Argentiniensi; rex postero vere in ducem movet. Forte tunc absens erat Chunradus frater, dux Franciæ Orientalis, laborantibus nuper in Palestina Chri-stianis cum electa militum manu in auxilium pro-fectus (86). Totius igitur belli moles Friderico incumbere, qui prudenti consilio præliorum discri-mine vitato, munitisque se continens Alsatiæ ca-stris, quoscunque inimicorum conatus elusit inco-lumis (87). Interea redux ab expeditione Chunradus, junctis repente viribus communem causam agebat, insensor idem et perniciosior hostis. Occupatum a fratribus castrum Norimbergense, validoque præ-sidio ad subitos casus instructum. Contra Lotha-rius Bavariæ ducem Henricum, Stauffensium ge-nerum, sibi ascivit, unica filia Gertrude in matrimoniū collocata (88). Magnum illud regis partibus momentum addidit, non modo divisus, verum etiam

(79) Egregiam murum regionum, et in primis castri Stauffensis cum adjacentibus monumentis, descriptionem suppeditant: e sæculo XVI, Mart. Crusi Annal. Suev. p. III, l. XII, c. 35, et passim; re-centissimam vero faciem: *Die Walsarth nach Ho-henstauffen*, in optimæ frugis libello, cui titulus: *Herdä; Erzaehlungen und Gemaelde aus der teut-schen Vorzeit*, etc., von J. G. Pahl. Zweyt. Thl. Freyburg 1812, p. 151 sqq. — Inibi p. 175 illa de Buren conjectura, cui penitus subscribimus ex gra-vissimo Wibaldi testimonio. Epist. 384 (Martene et Durand., l. II, p. 557). cf. Schoepflin *Alsat. illustr.*, l. II, p. 557 sqq.

(80) Ea tempestate comes quidam Fridericus ex nobilissimis Sueviæ comitibus cognomen trahens, in castro Stoyphe dicto, coloniam posuerat. Otho Frising. *De gest. Frid.* I, l. I, c. 8.

(81) Anonymi narratio de electione Lotharii ap. Pezium, *SS. rer. Austriac.*, tom. I, p. 570 sqq.

(82) Plurima per totam Rheni ripam castella munivit, ut in proverbium verteret: *Dux Fridericus in cauda equi sui semper trahit castrum*. Otho Frising., l. c., c. 12.

(83) Ibid., c. 13.

(84) Anonymi narrat. cit., § 7, p. 573.

(85) Dodechini Append. ad Mar. Scotum, ad ann. 1125.

(86) *Chron. Urspr.*, ad ann. 1124.

(87) *Annal. Sax.*, ad ann. 1126.

(88) *Idem*, ad ann. 1127. — Fridericus Henrici sororem Juditham in matrimonio habuerat, anno ante defunctam. Koeler, *Familia Aug. Stauffens*, p. 9.

commissis utriusque familie studiis. At novam fortunam importunius rex tentabat, Norimbergam extemplo suis armis aggressus. Adventantibus nimis Suevis, obsidionē deserta, neque ei pugnam quidem ausurus, cum ignominia discessit. Contra reversi victores, veluti frugis aliquid acturi collecto exercitu, Spiram oppidum, expulso praesule, facili triumpho occupavere.

§ IV. Chunraaus regnum affectat.

Vigentibus itaque Stauffensium armis multorum studia conferri; ipsi animis elati majora quæque moliri, ad spem imperii reverti. Jamque Chunradus, Friderici fratris et amicorum hortatu regis titulum sibi assumens, in Italiā contendit, ubi cum primis Mediolanensem ingenti plausu exceptus, ab Anselmo archiepiscopo prium Modoetiæ, deinceps Mediolani rex Italæ coronatur (89). Inde Lombardicas ambiens civitates, largitionibus aut armis in suas partes plurimas pertrahebat, nisi quas Mediolanensem potius quam causæ invidia retinuit (90). Sed auspiciatos usque rerum eventus parum subito turbavit Honorius pontifex. Is enim addictus Lothario regi, quem electum probaverat, inaugurandum exspectabat, adeoque raro temporum exemplo Romani populi seturus, adventantem per Tusciae fines Chunradum nil veritus, et urbe prohibuit, et una cum Friderico fratre solemniter diris devovit (91). Fulminis iustum fatalem præ cæteris reddidit ratio status, dum ex una parte nobilissimæ quædam civitates Mediolanum odissent, ex altera Rogerii Siculi metus immineret, utrinque pontus accresceret favori Romano. Eoque tabescere Chunradi fortuna, desciscere comites exhausta pecunia. Ipse Parmæ plerumque se continens, coacto otio torpebat. Eundem civitatis graviter obæratum et veluti captivum haecissé, vel ex hoc intelligitur, quod Meringerum archiepiscopum Trevirensem Roma revertentem, in itinere captum Parmensibus obsidem tradidit contracutæ aeris alieni. Fuerat autem iste Meringerus, dum in Germania degeret, Suevorum studio suspectus, et forte pallium accepserat, ut Lothario faveret; certe nunc missus ab Honorio cum anathemate promulgando (92). Tandem ipse Chunradus appropinquante Lothario rege, desperatis omnino rebus, clam ex Italia recessit (93),

(89) Landulph. Jun., *Hist. Mediol.*, c. 39 (ap. Murator. *SS. rer. Ital.*, t. V, p. 510 sqq.).

(90) Lithifridi Novariens. *Epist. ad Lothar.* (ap. Eccard. corp. *Hist. med. ævi*, t. II, p. 364. n. 354); cf. Landulphus, l. c., p. 512.

(91) Otho Frising. *Chron.*, l. vii, c. 17, *Annal. Saxo*, ad ann. 1128.

(92) Saxii adnot. in Sigon., *De regno Italæ*, l. xi, p. 659 (ed. Murator.). Corrigendus ideo Mascov. in *Comment. de Lothario II*, etc., p. 23.

(93) Otho Frising., l. c., c. 18.

(94) Nimirum altera, Agneta F. comit. de Saarbr., et nepte Alberti Moguntini archiepiscopi a Friderico debellati.

A et nescio si non obside Trevirensi liberatus, quandoquidem tempus exacte convenit.

§ V. Bellum cum Suevis in Germania.

Hæc dum apud Italos geruntur, Fridericus dominus sustinet hostium impetus, uxore viriliter adjuvante (94); neque illi quidquam proficere, donec singuli pugnant. Henricus ne vultum quidem Friderici ferens, probrosa fuga dilabitur (95), ad dolum frustra conversus majore dedecore (96). Rex autem a Spira, quam obsecrata, pactis induciis removetur (97). Tunc junctis uterque viribus Spiram rursus infestat, non nisi longa obsidionē nec absque pacto capiendam. Nimirum uxor Friderici dueis oppidum strenue intata, rebus demum extremis, inediæ magis quam armis concessit. Ipsa summa virorum admiratione excepta, cum suis libere dimissa et a rege donata, cum sere omnium indigeret (98). Atque ex eo nutare Stauffensium opes, instante potissimum Henrico Bavarо, qui pene totum Sueviæ ducatum, ad castrum Stauffen usque pervadens, igne ferroque devastabat (99). Mox etiam dedita Norimberga expugnante Lothario (100). Repetitæ præterea diræ per Innocentii legatum in curia Wirceburgensi, præsentibus xvi episcopis (1). Verum etiamnum superstes animo Fridericus regi obluctabatur, qui cum exercitu ducem aggressus, pugnæ copiam illo non faciente, infecto negotio discessit.

§ VI. Stauffenses supplices in gratiam recepti.

Rex in Italiā profectus cum parva manu (2), pontificem exsulem Innocentium strenue Romanum perductum, in sedem restituit, coronatus ab ipso Romanorum imperator in aedibus Laterani (3), dum S. Petri basilicam Anacletus pseudopontifex, factionis opibus fretus, custodiret (4). Inde plurimis per Italiā negotiis feliciter gestis, magnam sui admirationem utriusque populo sancivit, validissimis suorum studiis in Germania exceptus. Unum adhuc Mediolanum Chunradi partes iubebatur, nihil auso Lothario in urbem præpotentem (5). Contra pridem Anselmum præsulem Honorius papa defunctus, convocato post Chunradi discessum (6) Papiæ concilio, sacræ interdixerat, brevi sede cessurum. Itaque duces Stauffenses deserta causa resipiscere, præeunte Friderico in curia Fuldensi. Quippe Bavarus

(95) Otho Frising., *De reb. gest.* Frid. I, l. i. c. 18.

(96) *Ibid.*, c. 19.

(97) *Annal. Saxo*, ad ann. 1128.

(98) *Chron. Ursperg.*, p. 277 (ed. Basil. 1530).

(99) *Ibid.*, eadem.

(100) *Annal. Saxo*, ad ann. 1130.

(1) *Ibid.*

(2) Mascov., l. c., c. 27, p. 43.

(3) *Annal. Saxo*, ad ann. 1133.

(4) Otho Frising. *Chron.*, l. vii, c. 18 nn.

(5) Mascov. l. c. adnotat. 3, in-f., p. 329 sq.

(6) Landulph. Jun., *Hist. Mediol.*, l. c., ibique adnotat. cl. Saxii, p. 512.

Henricus, decreto nuper in Suevos bello, imperatorem prævertens extrema conatum præsidia, munitissimam Ulmæ civitatem primo impetu captam, incendio deleverat (7), ut imperator superveniens Friderici tantum clientes implorata fide recipere. Tunc dux ad incitas redactus Richenzam Augustam Fuldae supplex adivit, in conspectum imperatoris non admissus, sed dicto die in proximam curiam, diris illico solitus per legatum apostolicum (8). Anno sequenti Fridericum fortissimum ducem coram Lotharij imperator supplicem vidit in frequentissima curia Bambergæ celebrata. Duram profecto viri sortem, at non usque indignam; neque adeo facile dictu est, utrum tanti rigoris exemplo magis imperii dignitati et reipublicæ commodis, quam proprijs animi stimulis imperator intenderit. Fridericus autem præter pudorem ac juratam Cæsari obedientiam absque noxa dimissus, ad Italiam expeditionem sua robora spopondit (9); graviora forsitan passurus, nisi pontifex ob Rogerij Siculi metum totis viribus urgens expeditionem, conciliandis principibus omne studium impendisset (10). Chunradus autem Fridericum fratrem e quinque mensium intervallo secutus, neque easdem penitus veniæ leges, neque eamdem etiam cum illo sortem habuisse videtur. Atque is regem quidem in plena Mulhusæ curia pariter supplex adivit, solitus in præsentia diris a Chunrado præsule Magdeburgico, sed majore cum facilitate in gratiam receptus, pristinæ quasi dignationis favorem expertus est. Et enim ipsi Lotharius primum inter duces locum assignavit, omnia sua restituit, traditoque imperii vexillo regiae proximum personæ ascivit (11). Cæterum Chunradus ad propositam expeditionem Italiam suum auxilium pollicitus, non modo integrum adduxit, sed imperatorem cum maxime principum consilio manuque fortiter adjuvit, ut omnino potius animi generosi stimuli, quam conscientiæ tanta officia censeantur. Itaque novem annorum immania bella, satis æqua conditione sopita, tandem conquieverunt, eo magis funesta reipublicæ Germanicæ, quo major certantium potentia, et pernicio-sius paci publicæ virorum exemplum.

§ VII. Lotharii obitus; Chunradus rex Germanorum.

Non diu piissimus imperator laborum commodis

(7) *Annal. Saxon.*, ad ann. 1134.

(8) *Idem*, ad ann. 1135.

(9) *Ibid.*

(10) *Idem*, ad ann. 1136.

(11) *Annal. Bosoviens.*, ad ann. 1135 (ap. Ecard. Corp. *Hist. med. ævi*, t. I, p. 1011). Gotfr., Viterbiens. *Pantheon*, parte xvii (ap. Moratori, l. c., t. VII, p. 459). Landulph. Mediol. l. c., c. 41. Non audiendum *Annalista Saxon* ad h. a. rerum tenorem adnotacione maligna conspurcans, prout manifesto in Suevos studio scripsisse agnoscitur.

(12) Die 3. Dec. 1137. Othon. Frising. *Chron.*, l. vii, c. 20. *Annal. Saxon* ad h. a. *Chron. Ursperg.* p. 278 med.

A et parta victoria fruebatur, mox ordinatis utcunque Germaniæ rebus Italianam iterum profectus, penates nunquam revisurus. Etenim senio grayis in ipso reditu morbo corripitur, atque nihil securus cupidine patriæ festinans, in Tridentinæ vallis ignobili vieulo mali viribus occumbit (12), maximum sui desiderium universis relinquens. Mortuo autem sine filiis Lothario, summam imperii spem et habebat et meditabatur Henricus ille Bavarus, qui præter sanguinis affinitatem et rerum in Italia gestarum famam insigni potentia eminens, defuncti favorem ac tradita regni insignia præ se ferebat (13). Sed idem fastu tumidissimus, cunctorum invidiam in expeditione Italica concitarat (14), adhuc ipsa potentia suspectus. Contra Chunradus erexit dñgnitatis miseratione, liberalissimis in pares et minores officiis, et auctoritate præsertim Trevirensis episcopi, quem amicissimum habuit, commendabatur. Nimurum vacante tunc sede Moguntiæ, cum infensissimus ille Stauffensium hostis Albertus paulo ante decesserat, rerum summa penes Trevrensem (15). Juvabant etiam Friderici fratris integrissima studia (16), propriaque Chunradi in rebus agendis dexteritas. Is enim gliscentibus inter Henricum Bavaram et Albertum Ursum Brandenburgum simultatibus opportunissime usus, gravem in æmulum adversarium commoverat. Itaque convocatis per Trevirensem comitiis ad Confluentes (17), præsentibus Trevirorum ac Wormatiensium episcopis et cum ipso Chunrado fidissimo fratre Friderico, votis unanimis renuntiatur Chunradus rex Germanorum (18) adnitente modis omnibus Theodevino cardinali (19), patria Suevo (20), pontificis Innocentii II legato. Mox deductus Aquisgranum indi Caroli sedem antiquo ritu elevatur (21), per agente sacrorum solemnia prædicto Theodevino, dum Coloniensis adhuc pallio careret. Adeoque tandem post varios fortunæ casus et ingentes labores voti compos nobilissimus Chunradus, Augustam Stauffensium seriem faustis auspiciis inchoavit.

§ VIII. *Electio frustra impugnatur.*

Maximam, uti par erat, consternationem rei nuntiis Henrico Saxona-Bavaro ejusque amicis incussit. Omnes illegitimam electionem et subreptam clamitare (22), multi quoque per Bavariam optimates, cum primis episcopos Salisburgensis, venerabi-

(13) Otho Frising. *De reb. gest. Friderici I*, l. i, c. 22.

(14) Mascov., l. c., l. ii, c. 2, p. 115.

(15) *Ibid.*

(16) Otho Frising., l. c.

(17) Die 22 Febr. 1138.

(18) Otho Frising. *Chron.*, l. vii, c. 22.

(19) *Ibid.*

(20) *Chron. Luneburg.* ap. Mascov., l. c., p. 117, n. 4.

(21) Die 6 Martii.

(22) Otho Frising., *Chron.*, l. vii, c. 22. *Arx u. Saxon* ad ann. 1138.

lis senex, facta improbare, crescentibus per Saxoniā bellorum turbis. Rex autem Chunradus imperium valide exercens, Bambergē diem indicit, ibique curiam celebrat festo Pentecostes. Conveniunt plurimi Saxoniae principes cum ipsa Richenza Augusta, regemque metu salutant (23). Contra superbos Henricus et plerique Bavariæ proceres adhuc desiderantur (24). Quapropter Chunradus in medium Bavariam diem ultra constituit, Ratisbonæ celebrandum. Et hic quidem Salisburgensis ex regni pace consultans, una cum aliis principibus viri exemplum secutis, Chunradum regem adivit. Quem dux Zaringiæ Chunradus in plena enīa ad præstandum regi homagium ultro compellens, responsum tulit: *Videte, domine dux, quia si plaustrum essetis, boves præcurrere non dubitaretis. Inter me et dominum regem sic causa determinabitur, ut nullum nostri in hac causa curam habere sentiatis.* Rex autem graviora virorum convicia reformidans, commotum ducem, aversa manu os ejus amice comprimens, a responsione compescuit, simul coram testatus: *Nil ab episcopo se velle, nisi bonam voluntatem* (25). Quæ regis verecundia non modicum universæ curiæ favorem excitans, clericorum præsertim animos ad illum convertit. Atque etiam præsens Henricus Bavarus, jam nunc de suis omnino, spe regni posita, sollicitus, magnisque promissis illectus, insignia tradit (26). Cum autem de diversis utrinque conditionibus non conveniret, prorogato die Vindelicorum Augustam, curia dimittitur Nimirum receptis, quæ magni semper momenti siebant, regni insignibus, jam in alia quæque inentem intendens, parum de pace Chunradus cogitasse videtur.

§ IX. Desertum negotium, Henricus proscriptus.

Ancipitem valde ac periculosam fore pactionem, ipsa rerum natura portendebat, tum vero calamitatum recens memoria, perpetua belli scintilla. Et Henricus quidem Bavarus regem Augustam insecurus, cum numerosa satis militum copia, non procul ab urbe, Licum flumen insedit; rex intra mœnia pacatus agebat (27). Frequentes utrinque nuntii ac mediatores ambulare, neutro paciscentium alteri condonante. Quippe Chunradus nonnulla ducis beneficia reclamabat a Lothario concessa, quæ cum Henricus minaciter pernegaret, rex viri consiliis ac loci rationibus dissidens, et fratris exemplo territus, abrupto negotio ex urbe noctu discedit,

(23) Otho Frising., l. c. c. 23. *Annal. Bosoviens.* ad h. a. p. 1012; cf. Mascov. l. c. p. 419, n. *

(24) Dodechinus ad ann. 1138, p. 472.

(25) Vita Chunradi epise. Salisb. cap. 4.

(26) Otho Frising. l. c.

(27) Chron. Urspl., p. 279.

(28) Otho Frising., Chron., l. vii, c. 23.

(29) *Annal. Saxo* ad ann. 1139. Nimirum insignis inter curiam privatam et plenam seu solemnem differentia et omnino diversa utriusque auctoritas. Illa regem comitabatur, in hac publice tractata negotia et certa principum munera.

(30) Otho Frising., Chron., l. vii, c. 25.

A cum paucis fidelibus Franconiam contendens. Mox celebrata Wirceburgi curia Henricus subito prescribitur, sane præcipiti nimis judicio, nec illo rege condigno. Chunradus autem posthabita regni et majestate et salute, tantum animo indulgens, in proxima statim curia Goslariensi Saxoniae ducatum Alberto Brandenburgico, Henrici acerrimo hosti, indeque Bavariam profectus, ejus terræ ducatum ulti-
mo fratri, Leopoldo V marchioni Austriaco adjudicavit (28). Huic autem regis violentiæ paucissimi principes accesserant, ut curiæ præsertim Goslariae et Quedlinburgi pene privatae censerentur (29).

§ X. Bellum Saxonico-Bavaricum; pugna ad Weinsberg.

Traditum utrique principi ducatum Leopoldus Austriaeus (30) et Albertus Brandenburgicus nil morantes occuparunt. Et hic quidem præcupidus novæ dignitatis, late per Saxoniam armis grassabatur, neque suscepta solum jura, sed quoslibet Lotharii fideles potestati vindicaturus (31). Pridem ille, mortuo statim imperatore, eum Henrico Bavarо de Saxoniae ducatu ex jure hereditario disceptans, et a plurimis ejus amicis, ipsaque Augusta Richenza, junctis viribus impugnatus, prælio victor discesserat (32). Jam vero saeviores longe motus per Germaniam effruberunt, et quæ secundis minus clauerat, in adversis emicuit Henrici virtus. Etenim e paucis, qui viri fortunæ steterant, non nisi quatuor assumptis, in Saxoniam contendit, reliquis specie peregrinationis variis itineribus secutis. Atque cum his Albertum Brandenburgicum repentina adoratus, direptis plurimis ejus castris, toto ducatu breviter dejectum ad regem confugere compulit. Tum ipsum quoque Chunradum cum exercitu supervenientem, ostendo fortiter prælio, ad inducias commovit (33). Potissima in eo negotio Trevirensis auctoritas, et ingeniosa viri solertia callidi temporum et morum. Is enim regi cum viginti millibus adfuturum se promiserat, nonnisi quingentos adducens, cum infinitis eduliorum sereulis et triginta vini caratis, quæ liberaliter principibus erogans, negotium facile conduxit, et sine sanguine debellavit. Perpendit enim plus conserre ad victoriam atque ad animos accendendos virorum vini copiam, et aliorum victualium, quam multa millia famelicorum (34). Henricus autem restitutis in Saxoniam rebus, inde Bavariam meditans, subita morte extinguitur (35),

(31) Helmold. *Chron. Slavon.*, l. i, c. 54.

(32) *Annal. Saxo* ad ann. 1138.

(33) *Chron. Urspl.*, p. 279 sq. Otho Fris. c. 23. Helmold. c. 56.

(34) *Gesta archiepiscop. Trevirens.*, ap. Martene et Durand., tom. IV, p. 200.

(35) Venescium inuit *Annalista Saxo* ad ann. 1139, nullo æqualium confirmante suspectum viri testimonium. Etenim duobus fere sæculis recentius *Chronicon Montis Sereni*, neque majoris omnino ponderis, quæ ex Fabricii adnotat. petit Hahnus (Reichshist. III, 210.).

cgregiam sui memoriam summumque filioli favorem apud Saxonas relinquens. Leves et vani Brandenburgici conatus præ populorum amore, studiisque prudentissimis archiepiscopi Magdeburgensis necessitudine juncti (36). Bavariam porro Henrici frater commendatam tutabatur, nobilissimus ille Guelphus, bellorum gloria et virtutibus inter principes insignis, Tubingæ comes Palatinus, et potens terrarum per Sueviam et ad Rhenum uxorio titulo hæreditis Utæ filiæ Godefridi comitis de Calwe, Palatini Tubingensis. Et Leopoldum quidem Austriacum Guelphus feliciter prosligavit (37), bellumque fortiter sustinuit Rogerii Siculi præsertim pecuniis, et Geisæ Pannoniæ regis adjutus, utroque domi Chunradum implicaturo (38). Jamque et regem ultro aggressus, Weinsbergæ castrum oppugnantem, infaustis avibus dimicavit, victus fugatusque celebrima illa pugna, gentiliis partium signis Germaniæ fastis memorabili (39). Nimirum corrupta significacione factionum penitus diversarum ea vocabula invaluerunt, reipublicæ paci tandem funesta (40). Neque etiam minus famosa ipsius castri secura deditio, seminarum egregio facinore, regis iram eludente. Laudatur et nobile Chunradi responsu: *Regum fidem immutabilem* (41). Scilicet publice regem decere, quæ privatim negligantur.

§ XI. *Saxonia Guelphis vindicata; prosector Italica impedita; fœdus cum Byzantinis; bellum Staufense-Zaringicum.*

Iarum ad Saxonas ea victoria, quos ad sua vota perducere rex adhuc frustra laborabat; seisis nuperrime Wirsburgi comitis (42): quid enim vel arma vel artes concordibus populis? Igitur opportunum Austriaci funus, nulla prole relictum (42*). Ducatus Henrico fratri confertur, conciliato cum Henrici superbi vidua Gertrude connubio. Saxonia pactis asseritur Henrico puero, Superbi filio, Leonis elogio postmodum insigni; renuntiat idem suis in Bavariam-juribus, consilio matris inductus (43). Albertus autem Brandenburgicus, a Moguntino persuasus, dueis Saxoniæ dimisso titulo in vet. Marchiam restituit recipiens una, quæ bello amiserat. Celebratæ confessim nuptiæ præsenti curia, regio sumptu et apparatu, tantoque hilarior lætitia publica, quanto tristior utriusque domus longa discordia. Non ita cum Guelpho, qui pertinaciter jus in Bavariam hæreditarium causatus, bellum ac sedi-

A tiones hinc inde transferens, perpetuas movere turbas mavortio studio perseverabat (44).

Rex autem de suscipienda imperii corona serio cogitans, ipsisque ab Italis, præcipue Venetis, Rogerii metu invitatus, ambigua pontificis cum illo Siculo compositione deterretur; qui tamen solemni legatione placare virum non distulit (45). Inter legatos Theodeuinus, probato studio charus, et celebratissimus ille Bernardus abbas Clarævallensis. Tunc rex propositum resumere, legatos papæ destinare, qui de negotiis convenirent. Nuper et fœdus renovatum (46) cum Joanne Byzantino, despōnsata simul reginæ sorore Manuela Comneno, Joannis filio. Fuit ista Bertha C. de Sulzbach, dilectissima Chunrado regi ac pro filia omnino habita (47), Græcis Eirene vocata; cæterum formæ venustate summisque ingenii dotibus, adeoque Græcorum litteris, scriptoribus laudatissima. Proinde rerum Germanicarum, illa superstite, apud Byzantinos magna prosperitas ei: uberrima commoda, dum patriam incorrupto semper favore prosequeretur, et nobilissimo studio utriusque aulæ amicitiam foveret.

Interea magis magisque res Italorum turbari, præiantibus invicem civitatibus plurimis, urbe Romana, post mortuum Innocentium, factionibus agitata. Harum potissima pars et auctor Arnoldus Brixensis, Abælardi famosus discipulus; homo subtilis ingenii, litterarum egregie peritus et incorruptæ, quin adeo austerae conversationis (48). Hic in lascivos clericorum mores et monachorum luxuriem invectus, ingenti coronarum plausu ubique excipitur. Eoque gaudens popularibus auris, dogmatum capita proferre: *Nil proprium cleri Scripturæ sacra tenore, nulla potestas sæcularis, non certi redditus, nedum affluentes; vivendum caste priorum elcemosynis, vitandas honorum ambitiones, omnino terrenis abstendendum expletis sacerorum officiis.* Tum vero hortari populum ad sua jura capessenda, lectisque magistratibus antiquo ordine administranda, depulsis Ecclesiæ præpositoris, adeoque restrictis imperii regalibus. Inde stupenda rerum conversio, clericorum odia, persecutio et cædes (49), tandemque, ut opes quidem ferebant, Romæ prisæ ludibria (50). Sollicitatus et pontificum et populi crebris epistolis (51) certatim invicem accusantibus, prudenter in medio sese rex continuit, per litteras, missos atque diplomata re-

(36) Mascov., l. c., p. 125, n. *

(37) Monach. Weingart., c. 43.

(38) Godefr. Viterbiens., l. c. p. Monach. Weingart., l. c.

(39 bis.) Die festo S. Thomæ seu 24 Dec. 1140. Otho Fris. l. c. Trithemii l. c.

(40) Mascov., l. e., p. 141.

(41) Chron. S. Pant. (l. c. p. 954).

(42) Mascov., l. c.

(42*) Mense Oct. 1141. Chron. Mellie. ad h. a.

(43) Otho Fris., l. c. Dodechinus, ad ann. 1142: Chron. reg. S. Pantal., l. c.

(44) Otho Fris., l. c. Trithem. l. c. ad ann. 1142, p. 410.

(45) Trithem., l. c., p. 411.

(46) Pridem a Lothario percussum. Annal. Saxo ad ann. 1135.

(47) Epist. Guibaldi abbat., n. 188, l. c., p. 575.

(48) Bernardi Clarævall. epist. 195 (ed. Mabill. Paris, 1690).

(49) Otho Frising., Chron., l. vii, c. 34. Idem De reb. gest. Frid. I, l. ii, c. 28, cf. Guibaldi epist. n. 211, 212, 213 et passim p. 396 sqq.

(50) Serio nimis ea tractantem invenio cl. Simonde Sismondi Hist. des républ. Italiennes, t. II, p. 34 ss.

(51) V. n. 1.

gni pandens majestatem. Neque enim pontificum affectibus indulgens, damnare temere solebat ac inconsiderate perstringere, quæcumque displicebant; acerrimus Abaelardi ac Arnoldi hostis, videsis *P. Abaelardi Apologeticum contra Bernard. abbat. Clarævall.* (*Abæl. et Heloysæ Opp.*, Paris, 1616, 4, p. 302 sqq.); cf. *Guil. Godelli Chron.* ad ann. 1157, ap. Bouquet, t. XIII, p. 675, *Bernardi Clarævall. epist.*, n. 189, 195, 196. Cf. *Epist. ad Cœs.*, n. 244, quam quidem minus apte in Roger. Siculum scriptam intelligit cl. Mascov., l. c. p. 156.

(52) Schœpflin, *Hist. Zar. Bad.*, t. I, p. 167.

(54) Otho Frising., *De reb. gest. Frid.*, l. I, c. 25, 26.

(55) Non liquet et tempus; at recte notatur cl. Mascovio Schœpflini lapsus, qui nota quadam marginali deceptus, annum 1138 consignat. Schœpflin, l. c., cf. Mascov., l. c., p. 475.

(56) Ita eumdem Fridericum in ipsum regem avunculum arma Guelpho sociasse legimus. *Chron. reg. S. Pantaleon.* ad ann. 1143, p. 931 sq.

(57) *Guil. Tyrius Hist. belli sacri*, l. XVI, c. 4, 5.

A corum in militiam vota (59) pro nobili gentis alacritate; stimulabat et ipsum regem privata religio. Neque minora summi pontificis Eugenii studia, per litteras ac legatos ubique principes excitantis, dum ipsum coram sollicitaturum (60) turbæ domesticæ præpedirent. Negotii cardines agitabat Bernardus abbas Clarævallensis, per universum Occidentem vir potentissimæ auctoritatis, ad commovendos ducendosque mortalium animos omnino compostus (61). Atque ille quidem in Gallia rebus mirifice expeditis, altioris consilii plenus, in Germaniam ascendit, ibique regem primum ad Francosurtum secreto conveniens (62), dum alienum adverteret, prudenter dissimulat: *Non esse*, dicens, *parvitas suæ, importunius instare regiae majestati*. Eoque discedens, aliquanto Constantiæ moratur, deinde subito converso itinere, Chunradum Spiræ rursus adoritur, eumque futuræ veluti clavis quodam præsagio obliquantem spiritualibus armis ad responsum compellit: *Deliberaturum se cum principibus*. Tum vero paucos post dies, inter media missarum solemnia, impetu quasi repentino in verba solutus, omnesque facundiæ nervos intendens adeo percussit præsentium animos, ut rex in lacrymas effusus confestim vota nuncuparet, ac porrecto per abbatem coram altari vexillo, continuo cruce signaretur, una cum Friderico nepote, mox Romanorum imperatore, principumque et nobilium numerosissimo agmine, regis exemplum imitantium (63).

C Non præsens in curia fortissimus Guelphus, ipsa Dominicæ nativitatis nocte cum aliis quibusdam nobilibus in proprio castro Bitengau crucem suscepserat (64). Per Germaniam autem innumerabile vulgus, auditu rumore, confluxit, per abbatem Eboracensem signandum, cui Bernardus operam delegarat. Ægerrime tulit regis frater, Fridericus dux Sueviæ, filium crucesignalum, quippe invictæ senectutis unicum solatum juvenem, et familiæ robur. Atque a Bernardo quidem visitatus et benedictione repletus, tamen ipse orbitatis dol-

Auctar. Gemblac. ad ann. 1146 (ap. Bouquet, SS. rer. Gall., t. XIII, p. 273).

(58) *Annal. Bosov.*, ad ann. 1147 (l. c., p. 1013).

(59) *Sugerii abbat. Epist.*, ap. Mascov., p. 185.

D (60) *Guil. Nangis Chron.* ad ann. 1143 (1145) in *d'Achery Spicil. edit. noviss.*, t. III.

(61) *Oratorem eum non immerito dixerim, qui a rhetoribus definitur; vir bonus, dicendi peritus. Si quidem vir ille bonus longo eremi squalore, et jejuniis ac pallore confectus, et in quandam spiritualis formæ tenuitatem redactus, prius persuadet visus, quam auditus, etc.* *Guibaldi abbat.*, epist. 147. (l. c., p. 339).

(62) Primum istud colloquium nonnullos scriptores induxit, ut regem Francosurti crucesignalum falso prescriberent, e. g. Bern. Guido *De origine Francorum regum et Chron. Turon.* (Bouquet, l. c., t. XII, p. 251, 473).

(63) *Vita S. Bernardi*, l. vi, *De miraculis*, n. 45 (ap. Bouquet, t. XIV, p. 378). Cf. Otho Frising. *De reb. gest. Frid.*, l. I, c. 39. Roberti de Monte append. ad Sieberti. Gemblac. ad ann. 1146.

(64) Otho Frising., c. 40.

rem non sustinens, brevi mortem occubuit (65). Notabiles præterea pontificis astus, qui comperta regis devotione et Germanorum securus, amice virum increpabat, quod inconsulto se (66) rem tanti momenti assumpserit (67) : nimurum nactus occasionem vel impunis arrogantiæ, vel certe vitandæ accusationis. Denique Saxonæ, ut Francos semper perosi, societate abstinebant, ipsi quidem, ne studiorum gloria cederent, in proximos Christianorum hostes, Obotritas Leuticosque, scilicet Slavos, moventes (68), adeoque diversa cum Francis signorum figura (69).

Chunradus antequam pergeret, Henricum filium creari in regem curat, nullo principum refragante ; mox Aquisgrani coronatum imperii socium constituit (70), scilicet publice simul atque privatim de regno prospiciens. Adolescentulo necdum idoneo Henricus archiepiscopus Moguntinus ex more consilium et auctoritas adjungitur, una cum abbe Corbeiensi Guibaldo (71), celeberrimo sæculi viro, quatuor ab Henrico V, imperatorum in regni negotiis arbitro. Ipsa infausta nimis expeditio, quamvis immensæ regum copiæ, ut LXX. m. tantum loricatorum, præter pedestrium calonumque multitudines, uterque exercitus æstimaretur (72), e quibus paucissimi reversi. Chunradus maximam partem Constantinopoli degebat, sive pudore minuti exercitus, sive principum crebris discordiis, præterea lapsa quoque valetudine (73). Nobile tamen facinus et insigne fortitudinis documentum rex ad Damascum edidit, per laborantes mediae Francorum turmas cum suis Teutonibus in Turcorum aciem irrumpens, eosque perterritos in fugam conjiciens, in quo certamine barbari militis caput, cum dextra scapula uno ictu amputatum, victoriæ signum reportavit (74). Cæterum opus penitus destitutum; et cum dedecore discessum. Inde non modica Bernardi invidia, qui quidem pontificem ostendebat (75). Neque etiam vana prorsus suspicio, papam Eugenium familiæ Cisterciensi laudem quæsivisse, Bernardi studiis adjutum. Etenim uterque ejusdem regulæ, Bernardi opera pridem restitutæ (76); atque ipsi postmodo Cistercienses novæ expeditionis propositum totis viribus repressere (77). Solum et unicum dispendiorum solatium plurimorum principum et expeditionis favorem ab armis abstinere-

A tur, adeoque tristes præliorum tempestates tristiori remedio interdum quiescerent.

§ XIII. Chunradi reditus, novissima gesta et obitus,

Vix autem ad propria reversum regem gravissimæ lites exceperunt. Nimurum Guelphus ille Bavarus in expeditione comes et familiariter habitus, adeoque donis cumulatus (78), pro gratia damna moliri. Discesserat a rege Hierosolymæ, dum in Damascum hic accingeretur, domumque revertens specie valeudinis, in transitu Siculum salutat, honorifice tractatus et pecuniis auctus, ut in regem conspiraret. Eoque Romam profectus in Germaniam contendit, persidiam opere testaturus. Intercepti Romæ famuli a quibusdam senatorii ordinis B asseclis manifesta præditionis indicia dederunt, repertis Rogerii litteris, Guelphum Friderico Sueviæ duci, Henrico Saxonæ, Conrado duci Zaringensi ejusque filio Bertholdo (IV) voluntatis consécum commendantibus (79). Neque omnino latuere consilia regem adhuc in Græcia detentum; quippe ducem Fridericum nepotem, cui plurimum deferebat, in Germaniam præmisit, ut pacem publicam tueretur contra Guelphi conatus (80). Forsitan ipsum ille Fridericu[m] perspexerat, ac honorabili mandato juvenis animum tentabat. Certe reditum Chunradi res ea quam maxime urgebant (81), cum non de pace solum, sed etiam de regno versari quæstio videretur. Nec longe distulit hostilia Guelphus, Egram castrum regis peculiare rapto bello assiliens. At male natus occasionem, ab Henrico Chunradi filio, Germaniae rege, gloria pugna profligatur, Guibaldi consilio proscribendus, nisi Fridericus Sueviæ dux componendo dissidio ambiguam operam obtulisset (82).

Propius quoque regem tangere videbatur Henrici Saxonæ resumpta quæstio de Bavariæ ducatu. Statim ille defuncta matre Gertrude Bavariam, Austriaco marito pactione concessam, reposcere, quem tunc, instantे expeditione sacra, Chunradus blande allocutum, differre causam induxit (83). Jam vero rursus insistens in Sueviam concesserat, socii Chunradi Zaringiae ducis potentia fretus (84). Contra rex vim prohibere, quæstioni diem indicere; de eventu non liquet. Mox autem Alberti Brandenburgici consiliis rex in Saxoniam movens,

(65) Otho Frising., c. 39.

(66) Bernardus ex jussu pontificis expeditionem urgebat. *Gesta abbat. Lobiens* (d'Achery, *Spicil.*, t. II, p. 754).

(67) Guibald., epist. 20, p. 205.

(68) Helmold, *Chron. Slavor.*, c. 63.

(69) Nimurum crucem non assutam subiecta rotæ protendebant. Otho Fris., c. 40.

(70) Ibid., c. 43.

(71) Guibaldi Corbeiens., epist. 99, 30, 31, l. c., p. 268, 212.

(72) Guil. Tyrius, *Hist. belli sacri*, l. xvi, c. 22.

(73) Epist. Chunradi regis ad Guibald. abbat., l. c., p. 252 sq.

(74) *Gest. Lud. reg.*, c. 22 (ap. Masc., l. c., p. 225).

(75) Otho Fris., c. 60. Gausfredi *Vita S. Bernardi*, l. III, c. 4, § 9.

(76) *Gesta abbat. Lobiens.*, l. c.

(77) Otho Fris., c. 29, 42.

(78) *Chron. Urspl.*, l. c., p. 280 sq. *Chunradi regis epist. ad imper. Græc.* inter Guibald., n. 188, p. 377.

(79) *Joannis notarii Chunradi regis tunc forte Romæ morati ad Guibaldum epist.*, n. 239, p. 423.

(80) Otho Frising., l. c., c. 59.

(81) *Chunradi epist.* cit.

(82) *Chron. Urspl.*, p. 284.

(83) Otho Frising., l. c.; c. 43.

(84) *Mascov.*, l. c., p. 280.

Henricum ad propria recurrere compulit, ipso A superlito voto neutiquam petiturum.

Sed neque etiamnum devicto Guelpho, repulso Saxona, Bavariæ demum arma conticuere, suborta gravi contentione palatinorum Bavariæ comitum Othonum cum episcopo Ratisbonensi, quem pater una cum filiis infestis armis premebat. Antiquissimum Othonum genus ab Arnulfo deducitur, Henrico I, et Othone M. Imp. Bavariæ ducatum occupante. Fertur ea tempestate quidam comes Schirensis ex Bojaria, sœvam Hunnorum gentem in imperium evocasse (85), nobilissima Othonis M. victoria deletam. Comes ab Hunnis enecatus in clavis ultionem. Tum vero bona direpta et in fiscum redacta, partim ecclesiis divisa, partim hæredibus relictæ cum castro Schirensi. Postmodum a castro Wittelsbach, ab Othone III Schirensi sæculo XI ædificato (86), pro ejus ævi consuetudine, gentis novum cognomen; manente cognato in clerum odio (87). Nunc autem episcopi partes amplexo rege, palatinus proscriptus et obiotione Kelheimii castri territus, dato obside altero filio Othone, Chunradi fidem implorabat (88). Hic ille est Otho, Bavariæ comes palatinus, Friderici I, imperatoris regno summis virtutibus illustratus, qui tandem accepto Bavariæ ducatu, laudatissimi nominis memoriam in augustissimos Bavariæ reges perenni stirpe transmisit.

Inter maximas demum Chunradi curas Italica expeditio, variis adhuc negotiis, et expeditione præsertim sacrâ, impedita. Jam vero dum litteris, legationibus omnique studii diligentia urgetur propositum, inopinata regis morte spes regni gemina destituta. Concesserat ille Bambergam, ibi curiam celebraturus, exspectans reduces ab Italia legatos, qui modo Spiram intrantes tristissimum nuntium offendunt. Ossa gentilitiae Loricensi sepulturæ inferenda Bambergæ sibi detinebat, juxta divi Henrici imp. tumulum regio cultu recondita (89). Fuerat Chunradus vir simplex et probus, haud ab quo nativo quodam acumine, sed litterarum omnino rudit, eoque consilio minus quam armis pollens. Cæterum summa in illo comitas, et forma regem late ostentans (90). Henrico filio Germanor. rege jam ante defuneto, filius unicus patri superstes, Fridericus adolescentulus, mox Sueviae dux inter principes nobilis, dictus de Rothenburg a castro in sedem delecto. Hic dum in Tuscia moraretur expeditionis Italicae comes, una cum plurimis proceribus pestis contagio abreptus Romæ extingui-

(85) Indicari videtur Hermannus cognomine Pussillus Arnulphi filius, cui uxor Hungarica, nimirum Agnes Geisæ regis soror, suis vulgo creditur. Tolner, *Hist. Palat.*, p. 197.

(86) Tolner, l. c., p. 267.

(87) Otho Frising., *Chron.*, l. vi, c. 20. Notabilis in isto chronicæ loco dictorum mutatio cl. Pitthœo indicata. Vulgares Chronicæ editiones nil nisi diras auctoris in Schirensium familiam exhibent, contra

A tur (91), Ebraci Franconiae sepultus (92). Cum uxore Richenza Henrici Leonis Sax. ducis unica filia, filium itidem adhuc unicum habuerat in cunis mortuum, ut ideo tota Chunradi progenies in ipso defecerit.

Et hæc quidem de primis Stauffensium fatis paulo fusius enarravimus, quippe semel dicenda; reliqua strictiori stylo prosequimur, probationibus videlicet notarum volumini digestis.

§ XIV. Fridericus dux Sueviae, Germanorum rex. Ejus electio, indoles, et regni auspicia.

Chunradus morti jam proximus, et considerato imperii statu de filio parvulo veluti desperans, accepitum nepotem Fridericum ducem, traditis coram regalibus, in successorem commendabat. Nec destituta voti auctoritas, dum sextodecimo fere ab ejus obitu die Fridericus omnium omnino suffragiis, Francofurti in regem eligeretur. Inde post bimaculatum, dimissa curia acceptisque procerum homagii. Aquisgranum profectus, in divi Caroli augustam sedem, successor dignissimus, elevatur. Pacatum et breve electionis negotium præterea multa juvabant. Mortui recens Chunradi favor, Friderici duplex cum potentissimis regni familiis affinitas, eoque fausta pacis auguria; tum etiam privatæ cum Guelpho et Saxona necessitudines, Guibaldi abbatis validissima studia, denique ducis eximiores dotes. Nimirum certa facinorum fama, mentis et animi corporisque vigor, prudentia rerum ælatem exsuperans, formæ venustas ac dignitas, gratia morum et gravitas insignis; cuncta regem imperii gloriam in juvene heroe pollicebantur.

Et sane majorem a summo Carolo neque Germania adhuc, nec ulla terra conspexerat, qui primo statim regni decennio aliorum vitam emensus, universis orbis nationibus verendam imperii majestatem suis virtutibus effecit. Atque ut alij ante imperatores non nisi vagam saepè gestorum normam, pro rebus enatis, observabant, hic ille constantem regni tenorem, per maxima impedimentorum discrimina, mente immota direxit. Quapropter excelso plane exemplo comparandus, in hoc forte antependens, quod difficiliores longe adversarios, nec illos bello solum et fortitudine, sed artibus et prudentia superandos invenerit. Videtur autem consiliorum summam in hæcce quatuor conjectisse: supremam et absolutam imperii majestatem, eamque forte hæreditariam; justam regni et sacerdotii invicem rationem; vindicatam imperio Italianam, ac

codici Pitthœo viso, mira tenoris diversitate, palatinorum æqualium egregiæ laudes appositæ.

(88) Otho Fris., *De reb. gest. Frid.* I, l. i, c. 63.

(89) Otho Fris., c. 63.

(90) *Gesta Ludovici VII, Fr. regis*, c. 27, Guilelm. Tyrius, l. xvii, c. 8.

(91) A. 1167. Otho S. Blasian., c. 20.

(92) Gropp., *Monum. sepulcr. Eccl. Ebrac.*, p. 67.

denique publicam Germaniae pacem, repressa potenter armorum licentia.

§ XV. Novi regis erga patriam studia.

Antiquissima Friderico cura, principum gratiam promereri; componere veteres parentum lites, atque sublatis bellorum scintillis potentum animos reconciliare. Primam igitur Bavariæ rebus diligentiam adhibuit, dicto die Henrico Austriaco. Hic autem, dum adhuc tertio monitus, pertinaciter recusaret, Henrico Saxonæ Leoni, post assiduas viri sollicitationes, ducatus adjudicatur, tradita brevi Ratisbona, plurimisque proceribus in ejus jura adactis. Nec tamen cessit Austriacus, Friderici securus, nimirum fretus verecundia augusti nepotis. Et haud inepte prospexerat, siquidem resumpto mox negotio Fridericus ultro processit adventanti, datusque amplissimis (93) privilegiis et novi ducatus honoribus, ingenti curiæ gratulatione causam gravissimam tandem expeditiv. Præcesserat compositio inter æmulos Henricum Leonem et Albertum Brandenburgicum; alia sequebatur inter Austriacum et Othonem episcopum Frisingensem. Inde gratissima Leonis voluntas, Italicae regis expeditioni præcipuo robore adfuturi. Sed etiam regis mutua liberalitas, Henrico totum Utonis comitatum sponte deferentis. Contra præsens turbatorum pœna, Arnoldi præsulis Moguntinensis et Hermanni comitis palatini ignominia testata. Portare canem palatinum cum sociis, et ægre tantum parci episcopo, territi proceres spectaverunt. Præterea assidua in regno itinera, et oculus paci quoquaque invigilans; direpta prædonum nobilium castra, sumpta in plurimis severa supplicia. Abolitis denique teloneorum usurpationibus insigniter auctæ commerciorum utilitates.

§ XVI. Italicae status, Friderici proposita.

Totam deinde regis virtutem Italicae regnum occupabat, vix adhuc nominetenus appellandum. Regnabat pontifex, regnabant civitates, regnabit Siculus. Scilicet imperatorum longinqua absentia, incuria, imbecillitate hæc triplex potestas succreverat, eaque ut invicem plerumque æmula, ita in regnum tamen una conspirans. Dilapsa polissima imperii jura, subrepta fisci regalia, ad tenuem fere cuncta memoriam obsoleta. Prima omnium Friderici in Siculum consilia et in urbem Mediolanum. Domesticis autem negotiis detentus, ad Græcorum imperatorem legatos dirigit, foedus in Sieulum pacturos, proposito simul matrimonio inter regem et Manuelis filiam. Nimirum perspexerat pridem Rogerii studia, et novimus ejusdem litteris Friderico Guelphum olim commendatum. Jamque proscripti imperii sideles, violentiæ testes, Heribaldi suas injurias conquesti, indignationem commoverant; ne-

A que mutata rerum facies, interea mortuo Rogerio, dum eadem moliretur filius, qui successerat, Guilelmus. Tum vero cum maxime Mediolanensium tumores offenderant, et sane præcipitem regis iram, Constantiae proditam, post eventus probavit. Cum pontifice Eugenio III leve discidium exortum ob regni jura destinatus custodita in electione Magdeburgensi, secuta mox conventione antiquatum. Deinceps missis a pontifice legatis Moguntinus amovetur, brevi Mindensis et Eistettensis, et hactenus ex regis assensu; dum autem licentius agerent legati, adeoque Magdeburgense negotium revocarent, statim prohibiti, excedere regno jubentur. Inciderat sorte pontificis obitus, cui Anastasius suscepit, natione Romanus. Cum illo pacatum omnino, sed et per breve tempus. Post menses XIV defuncto succedit Adrianus, natione Anglus, hujus nominis IV. Hunc a vilissimis initiis ad summum honorum fastigium excelsa iudeoles evexerat, ingenio grandem, majorem animo, sed durum, tristem, fortunam tumidum.

Jamque Fridericus, appropinquante condicto tempore anno regni sui tertio circa principium mensis Octobris (quippe Germanis commodissimi), collecto ad Augustam exercitu in Italiam movet, ex eventuum potius consiliis, quam præmeditate rem acturus, certis utcunque studiorum propositis. Igitur primo statim adventu civitatum injuriis exceptus, potentibus arma tantum ei iram ostendit, afflictis minoribus; in id potissimum incumbens, ut insigni aliquo facinore clarus Romam victor accederet. Eoque punitis in itinere quarundam tumoribus, et ordinata castrorum disciplina, Terdonam urbem aggreditur, Ligurum (94) sociam, pollentem opibus, tutamine mœnum ac foedore fretam. Hanc Papiensium præsertim studiis, post validissimam defensionem, nec sine gravibus obsidentium damnis, in potestatem redactam, terribili magis quam honesto severitatis exemplo, miserrimis civibus vix tantum vita donatis, diripiendam militibus tradit, postea flammis perdelendam. Inde Papiam concedens per triduum splendidum triumphum agit, ab æmula civitate Terdonensium cladi potius et Ligurum injuriæ, quam ipsi regi exhibitum. Suscepit autem Placentiæ obsidionem, auxiliis Ligurum difficilem, rex moræ impatiens relinquit, adulto jam vere ad urbem Romam coronamque imperii mente et viribus conversus.

Adventu subito commotus pontifex legatos obviam dirigit, regis animum exploraturos; ipse diffidens Romanorum studiis Urbietum secesserat. In causa Arnoldus Brixensis, quem Innocentio defuncto reversum Romanam memoravimus. Hunc in Eugenium et Anastasium favore publico tutatum, opportunissimo pridem remedio Adrianus depulerat. Quippe

(93) Injusta de documenti fide ill. Bunavii dubia (Leben und Thaten K. Friedr. I. S. 64 f.) sustulit Senkenbergius. (Gedanken v. Gebrauch des uralten

deutschen burgerl. und Staatsrechts S. 113.)
(94) Hoc breviore scilicet, et concinno vocabulo Mediolanenses deinceps appellabimus.

sacris interdicta ad majorem hebdomadam vulgi religio trepidarat; placando pontifici desertus Arnoldus. Atque is Urbe profugus, cardinalis ejusdam insidiis captus et custodiae traditus, mox Campanensium quorumdam comitum ope liberatus, in vicinia latebat. Jam vero vehementior ex ipsa victoria pontificis timor: occulto hoste, ambiguo populo, instante cum exercitu novo et callido rege. Hinc omnium primum in mandatis de Arnoldi punitione. Annuit facile Fridericus, hominem ipsem perosus in regni jura' iniquum. Extortus miser a defensore, cleri vindictae permititur, qui quidem sanguinis abstinentes, per urbis praefectum cremari curat. Nec tamen adhuc mutua fides, nisi receptis utrinque legatis. Tandem Viterbum procedere pontifex, regem in castris invisens. Pro dignitate reverenter exceptus, de stadia fertur litigasse; res prope discidium, ni coronæ Fridericus animi stimulos detulisset. Itaque Sutrium una profecti Romanorum magnifica verba crepantes: *Placere quiribus, admitti regem, decretos imperii fasces, juret obsequium Urbi, quinque millia eroget multitudini in Capitolio acclamanti.* Prompta responsio, studiose singula diluens, et hactenus infra regem. Nimurum videoas paulo praestriatum nominis Romanæ specie factique stupore; quid? quod ex minaci legatorum discessu pene sollicitus et consilii inops, rei gerendæ summam pontifici, exercitus ductor, committeret. Ac sane laudabilis tunc apparuit Adriani fides, qui sua potissimum ope Fridericum Romanam perductum, nil curans aditum discrimen, imperatorem coronavit. Namque immancem populi fuorem peracta solemnia rescientis, consecuta repente pugna atrocissima ostendit. In hac ancipitem diu Germanorum victoram haud parum feminæ juvarunt Romanæ, dum juvenum speciem depereuntes, hortatu et precibus suorum arma continerent. Spectata simul Henrici Leonis pro Cæsare virtus, et ingenua pontificis in utrumque voluntas. Investituram Altenburgensis episcopi, invito archiepiscopo Bremensi per Henricum instituti, potentissimo regis amico constanter pontifex pernegarat; jam vero in præmium devotionis ultro oblatum præsentì confessim ordinatione roboravit;

Cæterum nulla ex victoria commoda, quinimo Roma discedendum annonæ penuria. Tiburtinos cum urbis clavibus obvios, id molestissime ferenti papæ imperator subdidit, servatis nihilominus imperii juribus. Mox recreando militi, aeris inclemencia afflito, ad proximos Appenninos remota castra, vitalibus auris et artis quibuslibet utilitatibus fruitura. Indictam Fodri collationem dum fraudulenter facerent Spoletani, uno impetu excisa ciuitas, ipso cum militibus imperatore irruente. Brevi collectis ex rogo spoliis ad Anconam exercitus pergit, ubi Cæsar, auditus Graecorum legatis, in Siculum arma promissis auxiliis et grandi pecunia pe-

A tentibus, adversa procerum voluntate, quamvis ipse paratissimus, differre propositum cogitur. Missi contra legati cum amicitiae tesseris, quos inter ipse nobilissimus Guibaldus abbas Corbeiensis. Jamque exercitus parte plurima dimissa, cum reliquis Cæsar Veronam proficisciter, in contemptum paucitatis a civibus non solum urbe prohibitus, sed et insidiis petitus, quas iterum viri fortuna comes et palatini virtus Othonis, non sine gravi hostiam injuria, feliciter profligavit.

B Effluxo inter curas domesticas triennio Fridericus revertitur, locorum et hominum bene gñarus, præmeditato consilio, et cum exercitu C. M. armatorum. Ingentis apparatus potissima causa Mediolanum, quæ civitas, dudum rebellis, effrenata potentiae lascivia imperatorem provocarat. Atque ipsa culpe conscientia, belli molem prospiciens, et obsequium dignata, rerum unicum præsidium in munitione mœnia civiumque virtutem, et immensas divitiarum opes contulerat. Vana superbiæ solatia, dum primo statim imperatoris adventu Brixianum civitas, ob Ligurum sœdus attrita, sinistrum omen ostenderet. Ipsum continuo Mediolanum, sociatis Italorum auxilijs, obsidione arctissima circumcessum; post pertinacissimos civium conatus, fame magis quam armis ad deditioem compellitur, multatum novem marcarum millibus, et acerbieri procul dubio supplicantum spectaculo. Sed brevis admodum triumphus; vix enim discesserat cum exercitu Cæsar, Italæ negotiis intentus: ecce denuo consurgunt Ligures, et longe molestior ea sedatio, nonnisi post maxima bellorum discrimina urbis excidio vindicata.

C Curarum proxima in pacando Italæ statu, in requirendis ac revocandis imperii regalibus. Igitur Cæsarem redditum præcesserant comes Otho palatinus et Raynaldus cancellarius cum milium lecta manu, qui sola fere nominis dignatione civitates quam plurimas in regni fidem asseruere. Secuta deinceps Mediolani deditio, factoque cum civitatibus usurpationum scrutinio, triginta millia talenta, per annum fisco quæsita. Tunc etiam feuda famosæ Mathildis ad imperium retracta. Guelpho duci imperator concessit, confirmato gratiæ sœdere potenti amico, appositoque adversus Siculum validissimo robore.

D Omnium ægerrime tulit ejusmodi diligentiam Romanus pontifex, Cæsari pridem infensus, qui viri fastus repulerat. Scilicet prima statim papæ epistola collatum imperii beneficium incautius ostentans, tantum curiae universæ tumultum excitarat, ut legatorum cæde vix abstinaretur, stricto jam gladio instante Othono comite palatino. Legati Romam cum ignominia reversi, præscriptio itinere additisque custodibus. Accesserant alia pontificis studia, præsertim ictum cum Siculo sœdus, servata Romæ picturæ calumnia, damnatum Cæsaris cum Beatrice connubium, si quidem vera tradunt scri-

ptores. Nec multum profuit miliōr epistola, procērum rogatiū Augustam transmissa, dum novi succēderent pontificis fastus. Etenim præsentem in Itālia imperatorem inverecunde lacessere criminatio-nibus propter electum Ravennatē, et omnīem plane modūm exceedēre insolentissima illa in Frēdericūm invectiva, Germaniæ duumviris archiepi-scopis perscripta (95). Quid ergo mirum, imperato-re Romanæ sedis calumniis suribundūm, non modo indubia regni jura revocasse, sed in ipsam quoquē Ecclesiæ disciplinam iniquas manus intulisse? Tristissima quidem excusatio malorum ingentium, et justæ magis iræ quam prudentis. Ex illo tempore labefactata Frēderici fortuna, familiæ Stauffensi paratus interitus. Nimirū Cæsarī illud, non imperii, cum sede Romana certamen, Germaniæ causæ protidores inter principes Germanos; inde pontificum victoriæ...

§ XVII. Frēderici auctoritas in Ecclesiā Germani-cam.

Residua in Ecclesiā Germani. jurā Frēdericus primum fortiter ac moderate tutari, crudelitibus autem cum sède Romana inimiciis violenter inter-dum et ex libidine agere, pontificum artibus ac di-ris, ipsemēt artēs et potentiam opponens. Nimi-rum ad alta regni consilia cleri divitis indigebat, contra certos pontificum conatus Ecclesiæ studiis adjutandus. Eoque cāutus et justus in electione Magdeburgici, mox in consimili Coloniensis; non absque studio indulgens in remoto per pontificem Henrico Moguntino, quippe suspectus Arnoldus, Frēderici cancellarius. Italianam iterum prosectorū cleemosynas, præsertim Ecclesiis, erogavit, tum etiam episcopis in consilium diligenter adhibitis, Trevirensēm privilegiis insigniter auxit. Rudolphum Zaringiæ ducem, Arnaldo Moguntino crudeliter occiso, illicitis suffragiis electum deditus, ipsum quoque Christianum amicum, præcipitanter subrogatum, prohibuit, substituto Chunrado Bavarō, Otboni palatini fratre germano. Atque hæc qui-dem uti ex propria auctoritate, ita pontificis etiam assensu. Jam vero subortis cum Alexandro simulti-bus, episcoporum in sedem Romanam obsequia gravissime ulciscebatur, spoliatis, depulis, quo-cunque modo afflictis pontificum asseclis. Chunradum scilicet Moguntinum ob Alexandri studia sus-pectum, deinceps Romam profugum, fratris gratia nil obstante, confessim proscripsit, substituto Christiano pridem reprobato. Neque in ipsa tandem conventione, cum Alexandro Venetiis, licet inqua sorte facta, Chunradum recepit, sed Salisburgi constitutum, nonnisi mortuo dēmum Christiano Mō-guntiæ reddidit. Proscripsit eadem potissimum ex causa Folmarū Trevirensēm, qui pro dolosa elec-tione pontificis opem sollicitarāt. Suspectus Rudol-phus ille Zaringensis, olim Moguntia dejectus, et

A spreia Folmari per pontificēm ordinatiōnē, Cæsāriis armis investitus; sēciter in adversarios Hen-rico rege animadvertisse. Proscripti pariter Salis-burgensis archiepiscopus Eberhardus, ejusque suc-cessor Chunradus; nec admissus Albertus, incon-sulto substitutus. Nonnulli metu perculti sedem sponte reliquere, quos inter Henricus Passaviensis et Bertholdus Metensis. Cum Philippo Coloniensi diu gravis simultas, data tandem pecuniæ summa et ejurato nocendi studio sopita. Postremum eo res perducta, ut instituti per imperatorem episcopi, prohibitis Romæ investituris, à Moguntino conse-crarentur, statuta repulsa in refragantes. Acerba inde episcoporum, nēc illa injusta, querimonia, sed parvus effectus. Perstitit animo fortis imperator, B adnitente Henrici regis potentissimo vigore. Adeo-que valde minuta Romanæ sedis auctoritas, vix Moguntino et Coloniensi privato studio ejurantibus quasi in speciem vindicata.

§ XVIII. Regni soris majestas.

Augustum late longeque Frēderici nomen expro-rectus potissimum imperii vigor et bella Italica ef-fecerint. Exteris ostensa magis arma, quam illata, dum imperatorem principum studia, domestici motus et illæ ipsæ tandem Italicae tempestates a pro-positis revocarent. Sane sub primis regni auspiciis in Geisam Hungariæ regem et Rogerium Siculum molienti procerū mentes aduersabantur. Utrum-que Saxonæ Henrici, Zaringiæ ducum et Guelphi præcipue consiliis evenisse, dubitari vix potest, quandoquidem nōvimus Rogerii litteras, et utrius-que pecuniis Guelphum in regni injurias sustenta-tum.

Geisa legitimum Hungariæ regem Boritum, Colomanni regis filium regno exuerat, qui post irritos recuperandi conatus ad Chunradum confugiens, imperii opem implorarat, Vladislai Bohemiæ ducis et Gertrudis uxoris, Chunradi germanæ, commen-dationibus adjutus. Annuit votis Chunradus; mox autem, decreta expeditione sacra, regis propositum intra voluntatem substitit, nimirum aliis curis dis-tracti, adeoque Geisæ indigentis, per cuius ditio-nem transeundum. Eamdein ob causam destitutæ Boritii preces ad Ludovicum Galliæ regem cum exercitu insequentem; nil nisi tutum iter in regis comitatu. Tandem Constantinopoli summo favore exceptus in Geisæ hostis invidiam, Græcorum du-ctor adversus Hungaros militavit, in expeditione quadam scelere militis sui occisus. Chunradi pro-missum suscepserat Frēdericus, vivente tunc adhuc Boritio, et integra cum aula Byzantina imperii amicitia. Jam vero Geisa pro diversa status ratione mutato consilio, Frēdericū officiis circumvenire, transmissa militum delecta manu adversus Italos. Tum et futura spondens auxilia in tantum obstrinxit imperatorem, ut Stephanum quoquē Geisæ germa-

(95) S. F. Hahn Collectio monument. t. I, p. 122 sqq.

num, fratris tyrannidem conquestum, suspensa lite Constantinopolim destinaret, acripi causa certis commodis, honeste minus quam prudenter, postposita.

Contra Rogerium Siciliæ regem præter veterem injuriam et recentem ambitionem, spoliatorum quoque ob regni fidem Apuliæ procerum præsens commiseratio principum animos incitarat. Condita tunc expeditio una cum Romana conscienda intra biennium. Sed ad rem ubi perventum fuit, ex bello Romano tristes miseriae, contagio cœli, minutus exercitus trædio speciem præbueret, nequidquam urgente imperatore, quem ad proprios iræ stimulos etiam pontifex accenderat. Erat autem Rogerius celeberrimi Roberti Guiscardi, regni Siciliani fundatoris, ex fratre Rogerio nepos, patri comes Siciliæ succedens anno 1101 sub matris Adelaidis Burgundicæ tutela. Deficiente ad ann. 1127, Apuliæ ducum cognata stirpe, Rogerius terram illam invaserat, indicto bello Hónorio II, pontifici contra factum intercedenti. Sed in feudum accepta provincia, ducem pontifex agnovit. Mox orto schismate inter Innocentium et Anacletum Perleonium, hujus partes amplexus Rogerius, Anacleti sororem dicit, in regem Siciliæ coronatus a pontifice genero. Postea diris devotus per Innocentium, a Rainulpho Campaniæ comite tota Apulia profligatur, ducatum Rainulpho concedit Lotharius imperator. Mortuo Rainulfo Rogerius revertitur, et recuperata brevi universa provincia, pontificem ipsum Innocentium Beneventi captum ad imponendam sibi coronam et ineundam ex voluntate conventionem invitum compellit. Jamque ad majora consurgens et Italianam meditans, inter altissima studiorum proposita secundo Friderici regis anno extinguitur. Ille idem est ille Rogerius, cuius in Constantinopolim egregium facinus Ligurini poeta celebrat. Inde revertens Ludovicum Franciæ regem e Palæstina reducem Græcorum insidiis eripuit, ab eo festivo satis artificio diaademate tertium coronatus. Habuit Rogerius ex toro primo cum Joanna Anglica filium Guilemum I, patri succedentem, ex tertio filiam Constantiam, Henrico regi, Friderici imp. primogenito post Germanorum imperatori 1186 nuptam, qui Guilemo II, Guilemi I filio, 1193 absque liberis decedente, Siciliæ regnum adeptus est. Itaque imperii et Augustorum Stauffensium ex patre perpetuae injuriæ, splendidissimo tandem piaculo quieverunt.

Decretæ in Polonus expeditionis causa vetus extiterat. Facta per Boleslaum III, Poloniæ ducem anno 1138 mortuum, inter filios divisione, natu maximus Uladislaus, Silesiæ et Cracoviæ sorte non contentus, primum conqueri, mox bello manifesto privare fratres. His autem invicem conspirantibus repentina prælio victus fugatusque ad regem Chunradum perfugiens, in fratres opem sollicitat, contra injustæ causæ conscientiam cognatione freatus, erat enim uxor Chunradi regis uterina. Missi per Chunradum legati responsum ambiguum tulere,

A quippe sciebant fratres regem in Palæstinam procinctum. Nec ille quidquam efficere, quam exsul Eugenio pontifici commendatum, concesso interim Uladislae in hospitium Altenburgo. Postmodum redux, una cum filio, Henrico rege, diligentiam omnem adhibuit, juvante Eugenio etiam pontifice interdictis per Poloniam sacris. Verum episcopis hæc parum curantibus, infecta negotia Fridericus invenit. Erat autem tantus expeditionis favor, ut secunda Italica posthaberetur, et miles Teutonicus ad Oderam perveniens, inexpectato pontis trajectu, in hostem ultro rueret. Poloni late vastantes propriam terram arcere frustra conati, in deditiōnem coguntur; sed præter datam pecunia summam, et restitutam Uladislae Silesiam, neglectæ cæteræ pacis conditiones.

In Daniæ regnum spectata auctoritas, dum Sueno et Canutus, magni Suenonis Angliæ et Daniæ regis ex filiis nepotes agitatam diu et violenter de corona contentionem imperii judicio submitterent. Res inter prima regni negotia Merseburgi tractata, ci-tatis ac præsentibus litis auctoribus. Regnum Suenoni deberi curia censuit, Canuto Seelandiæ provinciam cum ditionibus nonnullis assignandam. Igitur Sueno statim diademate cinctus, et præstio Friderico regi fidelitatis sacramento, de more cum gladio investitus, in pompa solemnri coronatum regem, gladium Domino præferens Vasallus, ad ecclesiam præcessit.

Uladislaum, dictum aliis Boleslaum, Bohemiæ ducem, contra Polonos in regis exercitu egregie promeritum, regia dignita e donavit imperator, eundem etiam in Ligures insigni robore adfuturum. Postmodum ob neglecta Friderici jussa dignitate iterum privatus, quæsita virtutis præmia in hæredes non transmisit.

Cum Angliæ et Galliæ regibus ut plurimum culta amicitia, nec tamen sida eum Gallo. Siquidem ex recepta primo Burgundia, tum quoque pontificis Alexandri studiis, mutuae suspiciones, interdum leves injuriæ. Demum et ultimis Friderici annis breve bellum ac tumultuarium propter Flandriæ comitem. Nec tamen præsens imperator, qui expeditionem delegarat. Postremo, Galliæ rege imperatoris auxilium contra Anglium implorante, percussum sœdus, quo facto et Anglus armis abstinuit.

Cum aula Byzantina, donec Eirene superstes, in speciem saltem concordia, benevolentiae declarationes, proposita fœdera. Mox autem, repertis Græcorum dolis, in legatos injuriæ, fastus et simultates. Tandem et odium implacabile, ex quo Byzantini cum Alexandro pontifice in imperium communicata consilia resciebantur.

Cæterum aula imperatoris omnium ævi longe magnificentissima; principum salutantium perpetua multitudo, curia privata solemnam speciem continuo referens, legationum undique affluentium inexhausta frequentia, dona innumera, et pretio et arte insolita ac viro digna. Medius inter Fridericus

et vultu et habitu imperatorem ostentans, fama gestorum admirationem, gravitate reverentiam, suavitate et facundia amorem omnium sibi conciliabat. Negotiorum et hominum callidissimus, adentes ex propositionum senore ac ordinum dignitate auditos et habitos nunquam non cum æquabili responso dimisit.

§ XIX. Orbis imperium affectatum.

Retardata saepius et fracta principum studiis imperatorum virtus, jam inde a Carolingorum temporibus minus ex iis aestimanda est, quæ perfecit, quam quæ perficere potuerit. Quippe maxima in rebus gerendis consilii unitas ac disponendi certa facultas ad magna molimina convenit, et excelsa cum primis ingenia decet. Sed illud odiosum est, inquit Cicero (96), quod in hac elatione et magnitudine animi facillime pertinacia et nimia cupiditas principatus innascitur; id quod in Friderico etiam contingisse animadvertisimus. Is enim non modo suorum dissensum indignissime tulit, et æquo severius plenumque repressit, sed exterorum etiam regnum auctoritati invidens, ad universalis imperii fastigia aspiravit. Caroli Magni scilicet exemplum sermone et actu præseserebat, cujus ossa quoque Aquisgrani immensa pompa levata, cum insigni veneratione novo sepulcro recondidit, augustissimo Heroe inter divos relato. Ipse Fridericus divi eloquio appellari sustinuit (97), more cæsarum Romanorum. Urbis legatis respondens, antiquæ Romæ dominatum regesque subditos jactabat; absolutam in rebus Ecclesiæ auctoritatem erga Franciæ regem Ludovicum in colloquio Laonensi. Præcipua tumorum fomenta ex invalescente pridem jure Romano, cæsarum Henrici V et Lotharii favoribus eyecto. Jamque adhibitæ novæ formulæ in citandis Mediolanensibus; ex lege Romana in Roncalijs definita regni Italici jura, tum etiam seuda Longobardica. Eoque enata tandem illa monstrosa universalis imperii formula, juris Germanici doctorum diutinum ludibrium.

§ XX. Erga familiam studia.

Amplificandis gentilitiis opibus ac domus augus-

A tæ splendori tanta Fridericus diligentia intendit, ut nullus antea imperatorum. Nec tamen omnino vituperabilis ista cupiditas, dum invalescente feudorum hæreditario jure nepotum virtutibus aut fortunæ spes exigua relinquatur. Ipsius autem imperii hæreditatem familie quæsivisse, cum plurima factorum haud obscura indicia, tum Henrici præserum filii, patris vestigia prementis, aperta studia prodiderunt. Statim in regem promotus Fridericus avitum Sueviæ et Alsatiæ (sc. Alemanniæ) ducatum Friderico, Chunradi filio, incertum pacto an gratia, resignavit. Mox inde Chunradum fratrem consanguineum Hermanno comiti palatino Rbeni, absque prole decedenti, substituit. Henricum filium primogenitum tenerrima adhuc ætate Germaniæ regem creari fecit, quem posthac juvenem ingenio et studiis patri simillimum tam impense dilexit, ut coronatum Italîæ regem ac Siciiæ futurum hæredem coronandum quoque imperatorem et regni socium moliretur. Filiorum alteri Friderico, post orbam patruelis Rothenburgici mortem, Alemanniæ ducatum in cunas contulit. Othonem tertiogenitum, in cunis itidem balbutientem, Burgundiæ comitem palatinum renuntiavit, exaucitorato per conventionem Burgundiæ rectore, Bertholdo Zaringiæ duce. Quod quidem iniquius vi:um in principem optime de Friderico promeritum, excusatione tamen haud caret. Etenim dupli veluti jure Fridericus Burgundiam obtinuit, cum obsoletam satis imperii auctoritatem, ipse ditissimus Burgundiæ princeps ex connubio Beatricis, dotalibus terris amplissimis augeret, et Bertholdo præter honoris eloquium pridem nihil restitisset. Filium quartum Chunradum Herbipolensi Franconiæ ducem præposuit, post cælibem Friderici fratris in Palæstina decessum, Sueviæ ducem futurum. Natu minimum denique Philippum, ecclesiasticis forte fastigiis primo destinatum, Tusciæ dominum ac terræ Mathildis instituit, a Guelpho duce redemptæ. Cæterum omnibus hisce donis nihil fecit aliud imperator, quam quod avita pleraque beneficia, ex invalescente tunc hæreditatum more, familie asserret, adeoque temporum potius, quam aviditatis ista studia existimanda.

(96) *De officiis*, l. 1, c. 19.

(97) Testes Radevici Fris. libri, imperatoris hortatu scripti.